

ცვლილებებისა და დამატების შეტანის შესახებ

საქართველოს პარლამენტი ადგენს:

I. საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, 1984 წ., 312 მუხ. 421) შეტანილ იქნეს შემდეგი ცვლილებები და დამატება.

1. 92-ე მუხლის:

ა) პირველ ნაწილს დაემატოს სიტყვები „ან ელექტროენერჯის დატაცება, მიუხედავად დატაცების ფორმისა“, – ხოლო სანქცია ჩამოყალიბდეს შემდეგი რედაქციით:

„გამოიწვევს თანამდებობის პირთა დაჯარიმებას ორასიდან ხუთას ლარამდე“;

ბ) მე-2 ნაწილი ამოღებულ იქნეს.

2. 96-ე და 96¹ მუხლები ჩამოყალიბდეს შემდეგი რედაქციით:

„**მუხლი 96. გაზის, ნავთობის და ნავთობპროდუქტების ქსელების დაცვის წესების დარღვევა**

გაზის, ნავთობისა და ნავთობპროდუქტების ქსელების დაცვის წესების დარღვევა, –

გამოიწვევს დაჯარიმებას ორმოცდაათიდან ას ლარამდე.

მუხლი 96¹. ყოფა-ცხოვრებაში ენერგორესურსებით სარგებლობის წესების დარღვევა

ქსელიდან ელექტრო ან თბოენერჯით, გაზით, ნავთობით ან ნავთობპროდუქტებით სარგებლობის წესების დარღვევა ან ელექტრორესურსების დატაცება, მიუხედავად დატაცების ფორმისა, რასაც არსებითი ზიანი არ მოჰყოლია, –

გამოიწვევს დაჯარიმებას ასიდან ორას ლარამდე.

იგივე ქმედება, თუ იგი განხორციელებულია მაგისტრალურ მილსადენებზე, –

გამოიწვევს დაჯარიმებას ორასიდან ხუთას ლარამდე“.

II. საქართველოს სისხლის სამართლის კოდექსში (საქართველოს სსრ უმაღლესი საბჭოს უწყებები, 1961 წ., №1, მუხ. 10) შეტანილ იქნეს შემდეგი ცვლილებები:

1. 98² მუხლი ჩამოყალიბდეს შემდეგი რედაქციით:

„**მუხლი 98². ენერგორესურსებით სარგებლობის წესების დარღვევა**

ელექტრო ან თბოენერჯის, გაზით, ანდა ნავთობით, ან ნავთობპროდუქტებით სარგებლობის წესების დარღვევა, ან ელექტრორესურსის დატაცება, მიუხედავად დატაცების ფორმისა, თუ ეს ქმედება ჩადენილია ასეთი დარღვევისათვის ადმინისტრაციული სახდელის გამოყენების შემდეგ, –

ისჯება ჯარიმით ხუთასიდან ათას ლარამდე.

იგივე ქმედება, რასაც არსებითი ზიანი მოჰყვა ან რამაც გამოიწვია ელექტრო, ან თბოენერჯის, გაზის ანდა ნავთობის ან ნავთობპროდუქტების ობიექტების მოწყობილობის ავარია, ან რასაც მოჰყვა სიკვდილი ან სხეულის მძიმე დაზიანება, –



ისჯება თავისუფლების აღკვეთით ვადით ორიდან ხუთ წლამდე“.

2. 242^ბ მუხლი ჩამოყალიბდეს შემდეგი რედაქციით:

„მუხლი 242^ბ. ნავთობმომპოვებელი, ელექტრო ან თბოენერჯის ანდა გაზის ობიექტების მუშაკთა იძულება არ შეასრულოს თავისი სამსახურებრივი მოვალეობა ან შეასრულოს იგი სამსახურებრივ მოთხოვნათა დარღვევით ამ მუშაკის ან მისი ახლო ნათესავის მოკვლის, სხეულის მძიმე დაზიანების ან ქონების განადგურების მუქარით, –

ისჯება თავისუფლების აღკვეთით ვადით სამ წლამდე.

იგივე ქმედება, ჩადენილი განმეორებით ან პირთა ჯგუფის მიერ წინასწარი შეთანხმებით, –

ისჯება თავისუფლების აღკვეთით ვადით სამიდან ექვს წლამდე“.

III. ეს კანონი ამოქმედდეს გამოქვეყნებისთანავე.

საქართველოს პრეზიდენტი ედუარდ შევარდნაძე

თბილისი,

1997 წლის 12 დეკემბერი.

№II69 – I ს

